



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 97-сса шин.

12+

«ЗАРЯ»

Нюжмар
17 сентябрь
2021 ш.

№ 39

www.zaria-online.ru
gazetazary@mail.ru

15 сентябрь - Агъали цашаврил кьини

Гуж - дусшивруву, цашавриву

2011 шиная байбихъуну, сентябрьданул 15-ний жула республикалий кӀицӀлагай ва байрам. Дагъусттаннайсса миллатру дувс бан, цачӀун бансса мурадрай, Дагъусттан Республикалул Президентнал му шинал июльданул 6-ний №104 Указ чивчуну, ва тарих кӀицӀлаглан ва бигъа-лагай кьинину ккалли дан ккаккан бувну бур.

Ва тарих ккаккан бувсса ишру хъуну бур 1741 ши-нал. Ираннал аьралуннал цӀадурксса БакӀчи Надир-шагъ, 100 азара инсан усса аьралгу бувцун, Дагъуст-таннайн авчун ур. Ца кьюк-ка ганал гъан дурну дур Дербент, Къайтагъ, Тар-киятл шамхалугърайхчин МихтӀулиллал ханлугърал хъун шагъру Жунгутайлив. Ца кьюкбагу Шагдагъ зунт-тул чӀарах, Мачу даралувух (Чирагъ-чай неххал дара) цащала дурцун дур Гъази-



Гъумукун ва Хунзахъун. Мукун, щала Дагъусттан цайнма мютий бан ччай ивкӀун ур.

Ххулийх хъунадакьла-кьисса шяравалурдугу ппив дуллау, миккусса инсанту-райнгу кьини дуккан дул-лай, му ивну ур Лаккуйн.

Цала арсу МухӀаммад ва МюртазаабӀлигу мунайн дан-ди бацӀансса аьрал батӀин яруссаннайн гъан бувну, Гъази-Гъумучиял хан Сур-хай, арсваврахъхъун хӀадур хъунсса чӀун дулуншиврул, цува Надир-шагънал кӀунт-тихъхъун лавгун ур.

луву, душманнащал талан бавтӀун бивкӀун бур гъи-датлиллал, къарахуллал, чамалаллал, багулаллал, къуйсубуллал талаталтрал кьюкьри. Кумагран дукӀлай диркӀун дур душманнал кьинттуллуха лакрал, лаз-гиял, даргиял, къумукьнал,

табасараннал, кубачиял, чӀарттал (закаталлал) тала-талтрал кьюкьригу.

Ххюва гъантта хъуну бур Андалаллал даралуву иран-нал чапхунчитурацал Дагъ-усттаннал цачӀун бавтӀсса талаталт талай. Зунттал миллатирттал вирттаврал миккусса виричувшиврун кьимат бицунгума къа-бюхъайссар. Дунияллий цӀа дурксса, Индустаннайн ди-яннинсса аьрщарайми мю-тӀий бувсса ираннал шагъ-нал аьрал, ххит бувну, жула зунттава махъунмай лихъан бувну бур.

Надир-шагънал аьрал ливхъсса сентябрьданул 15-мур кьини цӀана жува кӀицӀлагару Дагъусттан-нал миллатру, халкъ, агъали цашаврил кьини кунна. Ут-тисса никирттангу кӀулну бикӀаншиврул, жула гуж бушиву жува, ца миллат кунма, цачӀун шавриву, дус шавриву, мудан цачӀу ба-цӀан хӀадурну бикӀавриву - дьавилийгу, жула респу-блика, ватан цӀакъ дансса итххяххан, лядуккан дансса давурттаву!

1734 шинал Тахмаси-Кули-хан (укун учайсса бивкӀссар цайнма та чӀумал Надир-дул) чӀявусса аьралунна-щал ххяххссар Ширваннайн, лавсъсса Щимаххи. 20 азара инсан (зунттал аглу, татар, турк) бусса аьралуннащал Сурхай-ханнал Къуваллал ва Шамаххуллал дьинив къу-лайсса кӀантту бувгъуссар. Ялугълай ивкӀссар Надир учӀаннин. Амма Надирдул Сурхай-ханнайн ххяххан гъан бувссар ца бутӀа аь-ралуннал. Цувама 12 азара аьскарнащал авчуссар Гъа-зи-Гъумукун. Гъарза къадир-тун Чулахъ -Сурхай-ханнал гъансса ххулийх никъа щус-сар Гъази-Гъумукун. На-дирдуйн хъинну данди бав-цӀуссар лазгиял шяраваллал аглу. Надирдул амру бувну миннай «шагъкьирманну» дурссар, чӀявусса аглу, оьр-чӀру ливтӀуссар. Мунияту зунттал аьлу кьизылбаш-турайн хъиннува хӀусуд хъуссар. Аьнтсса дандиба-цӀавуртту дуллау, лакрал аьрщарайн ми бияннин 10 гъантта хъуссар.

Хъусрациял шяраваллил чӀарав зунттал аглулданул хъуни бакъасса гужру був-кссар Надирдул чӀярусса аьралуннащал талан. Хъин-нува кьянкбану данди бав-цӀуссар зунттал аглу Шав-кӀуллал шяраваллил чӀарав.

Надир-шагънал аьрал ххит бувну - 280 шин

Перснал аьрал Гъази-Гъумукун цалчин ххяххаву

Миккугу гуж биял къавхъус-сар. Гъумукун аьрал биян хъунма манзил къаличӀлайх-ту, пайда бакъашиву чӀалай, Сурхай-хан цала кулпатра-щал лавгссар Яруссаннал чулухунай. Гъази-Гъумук-бывсса 7 гъантлий Надирдул аьралуннал хъямала бувссар за къадиртун Гъази-Гъуму-чи.

**ГЪАЗИ - ГЪУМУКУН
КӀИЛЧИНССА ХХЯХХАВУ**

Надир Дагъусттанная гъайхту зунттал аглу гъаз хъанан бивкӀссар парс-найн къарщину. Яла кьян-къану данди буклай бив-кӀссар Джаро-белоканцы. Гъази-Гъумукун зана хъуну Сурхай-хан цӀунилу аьрал батӀлан ивкӀссар. Му ппурт-туву Надирдул дакъаву дурссар туркнащал. Муни-бывну султаннул махъунмай Надирдурхъхъун буллуссар Ухсавнил Азербайджан, Гуржи, Арманинал бутӀа. Мува чӀумал султаннул указрайн бувну Ширваннай каялушиву дуллан ивкӀссар

Сурхай-хан, Дербент бул-луссар Къайтакънал АхӀмад-ханнахъхъун, Таркалал шамхалну Эльдар ивтссар. Вай иширттал хъиннува дакӀ дацӀан бувссар Иран-найн къарщисса Дагъусттан-нал гужру. Надирдив гъалак увккун ур, цала цалчинсса дагъусттанайн ххяххаврил ахир ссайнчӀав къадурккуну чӀалай.

КӀи ялун диллай дунугу Надир цӀунилу сукку хъу-ну ур дагъусттаннайн ххях-хан. Ва базилух му увкӀун ур Табасараннайн. ппив-ххив дурну дур Самурдал, Кюрин-нал, Табасараннал шярава-лурду 11-мур ноябрьданий Надирдул аьрал ххяхххун бур къайтагънал, даргиял, къумукьнал аьрщарайн. Хъирив перстал бавчуну бур Гъумукун, 20 декабрьданий бивну бур Чулахъ-Сурхайл резиденциялин. Амма На-дир Гъумукун увххун акъар, цанчирча Сурхай цӀакъ хъу-ну ивкӀун ур Дусрациял шя-раву. Миккусса талатаври-

вугу зунттал аьрал буххъуну бур. Сурхайн цӀунилу яру-саннайн лихъан багъну бур. Миккура парснал ххит дур-ну дур Таркият Эльдардул кумагран нанисса кьюкбагу.

Хъиривмур кьини Гъуму-чату бусравсса аглу бувкӀун бур Надирдул дакъаву дан тавакъо буллау. ДуркӀун дур кӀи, Надирхъул лавгун бур Кавказнал чулухунмай.

**ДАГЪУСТТАННАЙ
НАДИР-ШАГЪ ХХИТ АВУ**

1736 шинал Надирдул баян бувну бур цува Иран-нал шагъ хъанахъишиву. Цала уссу Ибрагъин -хан ивтун ур Азербайджаннал, Гуржиал, Арманинал Дагъ-усттаннал влаьтрал хъуна-ману.

1737 шинал Надир-шагъ ххяхххун ур Индиянайн. Дагъусттаннай му чӀумал гужлан хъуну дур ираннайн къарщисса бунтру.

Надирдуйн къарщи бук-каврил ца яргсса мисалну хъуну бур Джаро-Белокан-най перстал бухшаву. Му

дьявилува ивкӀуну ур На-дирдул уссу Ибрагъин. Му-нал 32 азара аьскарная ххас-сал хъуну ур анжагъ 7 азара, вайми ливтӀуну бур. Цала уссу ивкӀушиву Надирдун бавну бур Индиянаву уну-ва. Анжагъ 1741 шинал На-дир хъинну хӀадур хъусса, чӀявусса аьралуннащал шамулчин авчуну ур Дагъ-усттаннайн. Ххулий хъуна даркъумур цимур-ца ччуч-лай, духлаган дуллау, цучӀав къаивтун литӀлай, зулмурду буллау 100 азара аьскар усса аьрал бавчуну бур Дагъуст-таннайх.

Аьралуннал ца кьюкба Къайтагъуллал шамхаль-стволийхчин дарчуну дур Жунгутайлив. Вамур хъун-мур, агъанмур кьюкба цува бакӀчину Шагъдагъ зунт-туйхчин дарчуну дур Гъу-мукун.

Зунттал агъалинал бачин бувну бур партизантурал зумунуса дьави. Гужсса ри-щавуртту хъуну дур Рутул-лай, Табасараннай. Анжагъ август зуруй Надир увххун ур Гъази-Гъумучиял хан-лугърайн. Хъинну гужсса дьави хъуну бур ШавкӀуллал шяраваллия арх бакъа. Арул азара аьскар усса Сурхайл аьрал бух хъуну бур хӀаг-хӀисав дакъасса парснал аь-ралунная. Сурхайн шахнал (Ахир 2 лаж.)

(Дайдихъу 1 лаж.)

ясирну гъан багъну бур. Сурхайшчал ясиртал хъуну бур къайтагъуллал уцмий, тарковуллал щамхалгу. Шама яла ягинми дандибацлут ясиртал хъувкун Надир ххай ивклун ур цува Дагъусттаннаяр ххув хъусса. Амма гихунмайсса иширттал чла-лачли бунни му Сурхайл хилла диркшиву, агъанми масъаларду хъхьичи бушиву.

Шавклуллал шярваллал чларав дъяви бан хъхьичи Сурхай-ханнал цала арсру Мюртазаабли ва Махламмад 5 азара аьралуннащал тлайла бувккун бур Андаллайн. Миннахъхъун чларысса арцугу дуллуну, зунттал агълу данди бацлаву тавакью буллалисса чагъардугу буллуну бур.

Надир-шагъ вихну ивклун ур шамагу ясирну бувгъуми цайнма дакнхтуну мю-тлийну бушиврий, мунияту паракъат хъуну ивклун ур.

Му члун ишла дурну, Аьндалаллай аьраллу, гужру цачлун хъанай бивклун бур. Надир -шагъ Гъази-Гъумучи ласаврил шадшивуртту дуллай унува, Аьндаллаллайн щала дагъусттанная батлан бивклун бур зунттал агълу, сукку хъуну бур партизантал.

Ахирданийгу Надирдун бавну бур цачлун хъуну бушиву зунттал агъулданул хъунисса гужру.

Надир бусса чаралий сукку хъуну ур цлусса дандибацлаву духлаган дан, амру бувну бур Аьндаллайн нанисса циняв ххулурду лакъин. Люфт-Аьли-ханнайн ва Хлайдар-багнайн амру бувну бур Авариянавун бачин Аьймакиял къумани-

Надир-шагънал аьрал ххит бувну - 280 шин



вух. 20 азара аьскар усса му кьукълухъ Андалаллай цачлун хъусса аьраллуннайх

къинттуллуха рищун ккаккан бувну бур. Амма Аьймакиял къуманиву Люфт-

Аьли-ханал аьрал ххит буккан бувну бур Мехтумиял Ахлмад-ханнал аьра-

луннал. Цува Надир-шагъ 1941 шинал 52 азара аьскарнащал Гъази-Гъумучату Аьндаллал чулухунай авчуну ур. Ттурчлайнна зунтту бивщуну бур чятирду, ххяхлан бивклун бур лакрал, яруссаннал шярваллал: Хъанар, Клямаши, Ппалассун, Урими, Варайми, Мукъар, Бюхтти, Шитул, Мияйми, Обухъ, Члохъ, Согратль.

Зунттал агъулданун кумагран ххушрай батлан бивклун бур дагъусттанал гьарца мулцния. Ххюва гъантлий лахъи лавгсса дъявилул ахир хъуну дур Надир-шагълул аьрал ххит буккан бувну. Сурхай-ханнал арсру Мюртазаабли, Махламмад, Мехтуминал Ахлмад-хан, Сугърациял, Члохърал къадийтал баклийсса кьукълал цачлуншаврил ларсун дур Ххувшаву. Дуниал ласуну тлисса Надир-шагънал аьрал ццаххандарал хъуну ливхъун бавчуну бур.

Ва дъявилува ляличисса къучагъшиву, халкъунан ххирашиву члалачли дурну дур Чулахъ Сурхайл арс Мюртазаабли багнал. Мьяжаннугусса лакрал миллатрал Виричу, щала дагъусттаннал агъалинан ххира хъуну ур. Дъявилува хъусса щавурдал Мюртазаабли оьрмулудла увну, увчуну ур Гъази-Гъумучиял хантурал хлатталлив.

Тания мукъах ларгунни 280 шин. Гъумук, Гъухъалла къурув дацлан дурсса Ханмюртазааблил гъайкал мунасса хлурматрал лишанни.

Исмай Хлусайновлул чичрурдава.

Абризат Хлажиева Клудиннал школалул «Точка роста» центрданий каялушиву дулалимур

Вана, сентябрьданий Аьрасатнал школарттай цлу-нилгу сукку хъунссар тарбиялул давуртту.

Барчаллагъ Аьрастанал Президент В.Путиннуйн! Гъаманки, мунал тлайла дурккунни Паччахлугърал Дума-лин дуккаврил системалувусса агъанмур бутла - тарбия ларай дансса ккаккан бавуртту.

ТАРБИЯЛУЛ МАСЪАЛАРТТАВУССА КРИЗИС, ЗАХИМАТШИВУРТТУ

«Образование» тлисса миллатрал проектраву агъамсса къулагъас дурну дур инсан тарбия аврих, итххавхсса шаврих. 2025 шининин Аьрасат Федерациялий мюнпат хъунсса тарбия дачин даврил давуртту мунисса Стратегиялул хахливу най дур. Цирдагу 2015 шиная шихуннай. Му Стратегиялул тлалав буллаи бур буттахъал тарбиялул системалува чларысса дахханаши-вуртту дан, оьрчлру итххавхсса, тарбия ларайсса хъун баншиврул.

Амма, бачи муклру хъуннуча: буттахъал тарбиялул система ччянира дакъашиврин, му диркълуну душиврин. Мьяжанссар, бур уттигу ливчлун му системалул цаппара цивпалусса бутлри. Масала, учительтал ссибуцлацлисса, дарсирдай бакъасса члумалсса давуртту, волонтершиву, юнармия,

РДШ ва шиная шинайн тикрал хъанахъисса, цланасса тарбиялул Мисалдарансса программалул сакиншинна-читурал законодаул биалдаралу дачин дан буржлув дуллалисса давуртту.

На багъишла битийча ми документру хладур бувултрал, миннул цукунчлав тарбиялул системалува мюнпат хъун къабанссар, школалул оьрмулува ваксса агъамсса бутлувусса кризис духлаган къаданссар, тарбиялул миллатрал идеярттачлан оьрчлру гъан къахъунссар, личность итххяххан даврил мурадру биттур къахъунс-сар...

Тарбиялул сфералувусса кризисрал агъанми хлуч-чарду укунсса бур:

1.Личли -личлисса оьрмулул ва тайпалул оьрчлансса тарбиялул ккаккан бавурт-тавусса мурадру ва мяънарду кувницлун -кув дархлусса дакъашиву.

Члявуми школарттачла яла ишан ларсми бутлрину

хъанай бур, цила члирттава лайкъсса инсан итаакъаву, чантлуккусса ва иялхъусса личность, патриот, гражданин итаакъаву дакъача, ЕГЭрду дулаву, личли -личлисса конкурсирттай, олимпиадарттай гьуртту шаву.

2.Члявусса члумал педагогтурал кьоч бигъаву, хларачат харж шай оьрчлащал зузаврил цамутталийсса иширттан. Цирдагу, хъунмурчлин, педагогтурал члун, гуж зехлахисса, ялату ккаккан дурсса.

Му захиматрив клура баян бан хъунссия цания-ца дуккаврил идаралул, цания-ца классрал коллективрал, цания-ца тарбия уллалиманал проблемартту биттур бан.

3.Члявусса школарттал тарбиялул иширттаву гъануну ларсун дур традици-онныйсса педагогикалул къайдарду дусса, тарбиялул давриву чансса гьурттучитал гьуртту шайсса имитацион-но-деятельностный жура.

4.Сайки дурагу дакъар мюрщими дуклаки оьрчлру тарбия баврил системалухсса къулагъас, мукунна, цинявннал оьрмулук бурувгсса

хасшивуртту хлсавравун ласаву.

Ттуршрахъул шиннарди цачлун дурминнува чяру-мий хъамадитлати бунни школартту. Хъама итлай ур Ушинский, Макаренко, Сухомлинский. Оьрчлру ххуйну тарбия баву школарттан яла агъанмур бушиву дакъар.

Ми цимурцаннул школартту формальныйсса, багъандарансса давурттайну хъхьичлунмай шаврил ххуттайн бутлай бур.

КУЛПАТРАЛ ТАРБИЯЛУЛ СИСТЕМАЛУВУССА КРИЗИСРАЯ

Аьрасатнаву хъусса дахханашивурттал щавщи бивунни аьрасатнал кулпатирттайну. Кулпатирттаву дирклсса аьдатру, этический кьаралу, рувхланийсса ва ас-намусрал, мяърипатрал гъанурду зия шаву, личли -личлисса, кулпатирттан дучлаймуниву хъунисса тапаватшивуртту душиву - ми дур цланасса кулпатирттан хасъсса къайдарду. Муни-цлунма, Миллатрал нити-буттахъал комитетрал председатель Ирина Вольнецлул увкусса куццуй, нити-буттахъал няраву цлана

бур ччимур члумал цала рязибакъашиву клицл дан бу-члисса инсанталну учитель-тал члалай.

Оьрчлшиврувусса тарбиялул кризис

Школалийсса, кулпатра-вусса тарбиялува кризис душиврул, хъуннасса члумуй оьрчлал ва оьрчлал тарбиялул чулухуннай обще-стволул ва паччахлугърал къулагъас къадиклаврил оьрчлру алкоганизмалухун, наркоманиялухун, преступ-ностьрахун, инсаннай къия даврихун бивчунни, миннал эгоизм гьарта хъунни.

Хаснува буруккин бутлай бур оьрчлаву, члаважагъил-тураву оьхлалшиву, агрессия хъунна хъанахъаврил. Хлакъинусса кьини оьрчлру бур коллективирдал, кулпатирт-тал дахлавуртту дурцусса, хлала -гьуртту шаврил куль-тура лагъсса, духовно-нрав-ственныйну хъхьичлунмай шавриву махъун багъсса та-гъарданий. Яла захиматмур -цивппалул личлаврил бияла. Цланасса оьрчлан къаклули дусшиву дан, коллективраву зана-кьулу хъун. Яла гъанми дувс ихтиварталну чливину бунува хъанай дур техни-калул къай-кьуй, оьрчлру

Тарбиялул даву -

«Лакрал район» МР-данул бак1чинал х1укму

7 сентябрь 2021ш. №21

«Лакрал район» МР-данул бак1чинал 2019 шинал январьданул 14-ний №2 х1укмулул ц1акъ дурсса «О противодействи корупции в Лакском районе на 2019-2024годы» т1исса муниципалитетрал программалуу дахханаши-вуртту даврия

Аьрасатнал Федерациялул Президентнал 2021 шинал августрал 16-ний ц1акъ бувсса №478 Указ-райсса 2021-2024-ку шиннардий корупциялун дайшишурду дуллансса Миллатрал пландалий ккаккан дурсса давуртту буртдигьинсса мурадрай х1укму буллай ура:

1. «Лакрал район» МР-данул бак1чинал 2019-ку шинал январьданул 14-ний бувсса №2 х1укмулул ц1акъ дурсса 2019-2024 шиннардий корупциялун дайшишурду дуллансса муниципалитетрал программалуу дахханаши-вуртту дан, ва х1укмулул ялун ххибувмуний т1исса куццуй.

2. «Лакрал район» МР-данул администрациялул финансирттал отделданун (Амирханова А.С.), ирглийсса финансирттал шинал ва пландалийсса ппурттувусса райондалул бюджет сакин буллаллини, ккаккан даван Программалуу давуртту дуллансса арцу, кашигу х1исавравун ларсун, «Лакрал район» МР-данул райондалул бюджетрава къаличинсса куццуй.

3. Лакрал райондалул шяраваллал поселенердал кланттул самоуправлениелул органнан маслихлат бан, 2021-2024 шиннардийсса корупциялин къарщисса политикалуха цала-цала муниципалитетрал программардугу лацан дан.

4. Ва х1укму бишун райондалул «Ххяххабаргъ»

кказитрай ва бишин «Лакрал район» МР-данул администрациялул сайтрай ва Интернет сетъраву.

5. Ва х1укму щаллу баврил ялув ацлан тапшур бан «Лакрал район» МР-данул бак1чинал заместитель М.Ю.Макьсудовлуйн.

Ю.Х1.Мах1аммадов,
«Лакрал район» МР-данул бак1чи.

«Лакрал район» МР-данул бак1чинал 2019 шинал январьданул 14-ний №2 х1укмулул ц1акъ дурсса «О противодействи корупции в Лакском районе на 2019-2024 годы» т1исса муниципалитетрал программалуу дахханаши-вуртту даврия

«О противодействи корупции в Лакском районе» на 2019-2024 годы» т1исса муниципалитетрал программалуу паспортраву программалуу мурадру чичин укун:

-коррупциялун дайшишур дайсса каширду ххуй даву, му ишираву дирхъусса къадагъарду ва т1алавшиннуту х1исавну;

-къараллал актирдаву ва миннул проектирдаву коррупциялул лишанну ялун личин даву ва ми дукъан даву, щийнч1ав хъар дакъасса экспертиза дурну;

-хъиривлаявуртту дурну, коррупциялул тагъарданун кымат бищаву;

-коррупциялин къарщисса лахъхьин бавуртту ва пропаганда чялиш дуккан дан, му ишираву гъуртту хъанахъи буллан жамьтавусса специалистал ва цайми инсантал. Мукун, просвещениелул, образоваиелул ва цайми давурттал мюнпат лавай буллан;

-инсантуран аьч дуллан му ишираву муници-

палитетрал дуллалисса давуртту ва ми жамьта-щал дах1авуртту дуну сакин дуллан;

-хъус машан ласайни, давуртту дайни, т1алавшинну щаллу дайни, ми аьчухну, жяматрангу ч1алай, ашкарану дуллан;

-ишбазаранчитурайн администрациялул асар биян буллалаву чан дуллан;

-кланттул самоуправлениелул органналгу, низам дуруччай органналгу дах1авурттаясса мюнпат ххи буллан;

-ич1увасса коррупция бюхъайссакасса чан дансса чаранну гуж бан;

-муниципалитетрал къуллугъчитурал коррупциялин къарщисса багъу-бизу гуж буллан;

-муниципалитетрай къуллугъирттайминнал, муниципалитетрал администрациялул къуллугъчитурал коррупциялин къарщисса стандартру къадуручларча, миннал чулухунмай юридический жаваблувшиндалул ххуллурду ишла баврил анализ гъарца шинал иширайну дуллан;

-коррупциялул ва низам зия дурсса цайми иширтталсса байсса РД-лул органдалин мутълат бакъа гъан буллан «Лакрал район» МР-данул администрациялий ва мунин дагъайсса учреждениерттайсса (организациярдасса) коррупциялул лишанну дурсса иширттая, микку низам дуруччай органнал дурсса ххалбигъавурттая, мукунма коррупциялун дайшишур даврийсса законну зия даврил иширттах прокуратуралул ва силисталул органнал дуллалисса къулагъасрая;

-коррупциялун дайшишур даву къуллугърал буржирдаву багъайсса райондалул администрациялул муниципалитетрал зузалт гъуртту хъанахъи бан му ишираву цала къуллугърал буржру биттур байсса куц лахъхьин байсса давурттаву ва му лахъхьин байсса иширттаву: муниципалитетрал къуллугърайн цалчин бувксса, коррупциялун дайшишур даврил стандартру дуруччавриц1ун дарх1усса давурттай зузисса инсантал;

къуллугърал буржирдаву хъус машан ласаву, т1алавшинну щаллу даву духхайсса, коррупциялун дайшишур дан лахъхьин байсса давурттаву гъуртту шаву ва му ишираву ц1усса программарду лахъхъаву духхайсса муниципалитетрал къуллугъчитал;

давурттай зунсса инсантал къамул байсса бут1рай зузисса муниципалитетрал къуллугъчитал коррупциялун дайшишур даврин дагъайсса давурттаву гъуртту хъанахъи бан ва мува иширай дагъайсса ялун ххи дурсса программарду лахъхъи бан;

(Ахир 4 лаж.)

ц1анасса школалий

ялапар хъанай бур х1акъсса дунияллий бакъача, виртуальный дунияллий.

Хъуниминнал кунна най дур мюрщиминнал оьрч1шиву, лиллай дур миннал социальность, цаннасса хасшивуртту, къайдарду ва къараллу. Ци бик1анссар мунияргнигъач1исса - оьрч1ру оьрму бутлай занакъулу хъанай бакъар цала т1ул-т1абиабтрах, оьрмулух бурувгун. Ми хъуниминнал т1улт1исса куццуйсса, миннал куннасса янна-ус лахлай, хъуниминнал куннасса давуртту дуллай бур. Оьрч1шивува бувккун бур ми зиранг бансса лич1и-лич1исса т1урк1урду.

Цивппакунминнащал, цайминнащал иттату-иттава хъунабакъаву, магърал, оьрч1ал луттирду ккалай, оьрч1ал балайрду т1ий, оьрч1ансса передачарду, фильму ххалдуллай бакъар.

Оьрч1аву «Циванни» т1исса суал бухлавгунни, хияллайн клунк1у т1аву, хъирив лаллалаву лещлай дур. Ч1явуми ц1анасса оьрч1ал эмоциярдал дуниял духлар-

гун дур, ч1алай дакъар лагмарасса ххуйшивуртту, цайминнал дард -къумашиву (хлатта цанма гъанминнал) асар хъанай дакъар. Т1ур-

Вай клиц1 лавгсса х1учардал ц1анасса оьрч1шиврул щала сурат ч1алач1и къаданссар, цанчирча му гъартасса, ранг-рангсса дур.



клурдал дистрофиялул ми къашавай буллай бур, цанчирча т1урк1урду хъанахъиссар оьрч1ал «оьрмулул лабораторияртту» (Шацкий), ми хъунишавривун буххаврил гъануну.

Амма ва суратрал гъанулийвагу гъарцагу дуккаврил идаралул аьркинни цала тарбия буллалиминнал «сурат» диншин, хъиривлаян, курт1ни-вун буххан. Яла миннуйн бувну гихуннайсса тарбия-

лул давуртту дачин дан.

Гъаманки мукунсса проблемарду хъун аьркинни сакин дуллалисса тарбиялул программардал ва проектирдал вирдак1ну.

Оьрч1шиврул, ч1ава-жагъилшиврул дунияллий ц1ана бусса проблемардал

цайми мурадру бик1ан къабюхъайссар, ми кувная-куван вихшала дакъа, цалин къабук1лай ялапар хъанан къахъунт1иссар.

Тарбия дуц1ин дан аьркинну бур духовно-нравственный мяъналул. Цуппа «тарбия» т1исса мукъуву, муних вари чинну къулагъас къадулларчагу, дуссар хъунмур мяъна.

Воспитание - **воспитание**, яни акъдулул, дак1нил, рух1ирал дукра т1иссар. Оьрч1ал тарбиялуву, аькьлу -клулшилуву **мероприятияртту** дакъача, оьрмулул мйжансса ххазинартту ягинмину хъун аьркинссар. Школалул тарбиялул хъхьич1 авц1ума- ч1ава инсанни. Инсан х1акъину ахълавгун ур обществолуву, кулпатраву, школалий. Мунияту цува инсан ушиву - марц1ну педагогтурайн багъайсса масъала бур. Мйжанссар, пандемиялул кумаг бунни инсан яла ххирамур ххазина ушиву дак1нин бичин. Мува х1учча буруччин аьркинни дуккаврил системалихч1ингу. Му ч1умал тарбиялул мурадну хъунт1иссар личностърал цирдалусса качестворду, итххяххаврил цивппалусса чуллу бакъача, мукъул яла хъунмур мяъналий клиц1 лаглагисса ИНСАН.

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
**Ответственный
секретарь**
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

**Адрес редакции,
издателя:**

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 742 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

*Позиция редакции
может не совпадать
с точкой зрения
авторов, которые несут
ответственность
за достоверность
о объективность
представленных для
публикации материалов.*

(Дайдихъу 3 лаж.)

-коррупциялул хлакъяраву инсантурал баян бувмунил, чивчумунил хъирив лаяву ва миннух къялагъас дурну ххуллурду ласаву;

-коорупциялул дайшишру дайсса райондалул комиссиялул сиях1 ц1удуккан дуллан, мунивун маша къябайсса организациярдал вакилтал бакълан, элмулул, экспертизалул давуртту к1улсса инсанта миннул устав чичлачи бан;

-муниципалитетрал цаппара къялугъирттай, учреждениерттай (организациярдай) каялушиву дуллаи зун

бюхъайми лич1и бансса давуртту дуллан;

-райондалул администрациялул дахлавуртту сакин дан законну дуруччайсса ва ялув бац1айсса к1анттул органнашал, миннал администрацияин дуллаи къялугъирттай битан дайшишру дуллаласса ягу х1исавравун ласун аьркинсса х1учарду;

-инсантураца, администрациялийн ашкара къяхъунсса куццуй, коррупциялия баян бан бюхъайсса лич1и лич1исса ххуллурду райондалул администрациялул ишла буллаласса

куццул хъирив лаллан (горячая линия, вихшалдарал телефон, электронная приёмная). Мукунсса х1учарду ххалбивгъусса ва ххуллурду лавгъусса куц ххалбигълан;

-муниципалитетрал къялугъирттай зузими, муниципалитетрал къялугъичитал дахху-ласулул ва маша къябайми организацияртай каялушиву дуллалавриву гъуртту хъанахъаву ххал буллан ва миннул х1асиллу ххалдиргъуну, хъирив лавсса доклад буллан, коррупциялул лишанну ялул личин даврия.

Терроризмалуштал талатаврил кыни к1иц1ларгунни

Райондайсса шяраваллал библиотекардай дурунни Терроризмалуштал талан цац1ун шаврил кынилул хас дурсса бат1авуртту.

Ккурккуллал школай, шяраваллал библиотекарлул ва КДЦ-лул зузалтту чялишну х1ала бувххун, дурни «Жу терроризмалин къярщиссару» т1исса бат1аву. Му сакин дурну дия школалул завуч Р.Суламановал.

Б и б л и о т е к а р ь С.Абдуллаевал бувсуна дуклаки оьрч1ахъ терроризма Дагъустаннайн ча дурк1ссарив ва махъсса ац1ра шинал мутталий хъусса хъунисса террорданул актирда. Бувч1ин бувна, террористурал инсантал бувгъусса ч1умал ва террорданин къярщисса операциярду буллаласса ч1умал ци дуллан аьркинссарив. Терроризмалун хасъсса доклад бувккуна библиотекалул зузала А.Абдуллаевалгу.

Шавк1уллал библиотекалий заведующий Ф.Къадиевал школай дуклакисса оьрч1ахъ дирхъуна ми бак1рай бац1ан буллаласса дарс, «терроризм - дунияллул лагрулийсса бала» т1исса темалий. Микку мунил бувсуна 2004 шинал сентябрьданул 1-3-ний Бесланнай хъусса иширая. Оьрч1ан бувч1ин бувна, террористал царив, терроризм царив. Ф.Къадиевал оьрч1айх дарч1уна террорданул акт хъусса ч1умал ци дуллан аьркинссарив бувч1ин буллаласса ч1ап1ив.

Ххюлусуннал библиотекалул учительтурашал цац1у дурни дак1ний лич1ансса ссят «трагедиялул ц1а - Беслан» школай дуклакисса оьрч1ашал. Учителтурал бувсунни, циксса баларду, инсантуран шайссарив террористурая, бувч1ин бувни, нигъч1аву дусса ч1умал ци дуллан аьркинссарив.

Ххюлусуннал библиотекалий дурну дия «Стоп-террор» т1исса луттирдал выставка. Бат1аву къяртал хъусса ч1умал циняннал, ца минут1райсса къябагъну, дак1нийн бивчуну террорданул актирдаву жандалуц1а хъуми. Ва даву сакин дурну дия шяраваллал библиотекалул заведующий Х.Дибировлул.

М.Хизриев.

